

中国古典名著

意林 茶经



越女捧茶，水叶含神，静观时态，笑发全朝。
犹见当年，似当年，似当年，似当年。



生香出水王出此
妙在光采珠露

溪山清静月如轮

若文字乃快

北方妇女儿童出版社

中国古典名著



主 编 齐豫生 夏于全

意 林
茶 经

北方妇女儿童出版社

图书在版编目(CIP)数据

中国古典名著/齐豫生,夏于全主编。—长春:北方妇女儿童出版社,2006.3

ISBN 7-5385-0392-7

I.中... II.齐,夏 III.古典名著-中国 IV.I242.4

中国版本图书馆 CIP 数据核字(2006)第 021887

中国古典名著

齐豫生 夏于全 主编

北方妇女儿童出版社出版发行
北京海德印务有限公司印刷

开本:850×1168mm 1/32 字数:5000千字

印张:400 2006年3月第1版第2次印刷

印数:2000套

ISBN 7-5385-0392-7/I·405

定价:1280.00元(全60册)

目 录

意林

意林卷第一	(1)
意林卷第二	(25)
意林卷第三	(49)
意林卷第四	(68)
意林卷第五	(83)
意林卷第六	(102)

茶 经

茶经卷上

一之源	(112)
二之具	(113)
三之造	(114)

茶经卷中

四之器	(115)
-----------	-------

茶经卷下

五之煮	(119)
六之饮	(121)
七之事	(122)
八之出	(126)
九之略	(128)
十之图	(128)

意林

意林卷第一

一 鬻子一卷

(《艺文志》云:名熊,著子二十二篇。今一卷六篇。)

1. 发政施令,为天下福,谓之道;上下相亲谓之和;不求而得谓之信;除天下之害谓之仁。信而能和者,帝王之器。

2. 圣王在位,百里有一士,犹无有也;王道衰,千里一士,则犹比肩也。

3. 知善不行,谓之狂;知恶不改,谓之惑。

4. 昔文王见鬻子年九十,文王曰:“嘻,老矣!”鬻子曰:“考使臣捕虎逐麋,臣已老矣;坐策国事,臣年尚少。”

二 太公金匱二卷

1. 武王问太公曰:“殷已亡其三人,今可伐乎?”太公曰:“臣闻之:知天者不怨天,知己者不怨人;先谋后事者昌,先事后谋者亡。且天与不取,反受其咎;时至不行,反受其殃;非时而生,是为妄成。故夏条可结,冬冰可释,时难得而易失也。”

2. 武王平殷还,问太公曰:“今民吏未安,贤者未定,如何?”太公曰:“无故无新,如天如地。得殷之财,与殷之民共之,则商得其贾,农得其田也。一目视则不明,一耳听则不聪,一足步则不行。选贤自代,上下各得其所。”

3. 武王问:“五帝之戒可得闻乎?”太公曰:“黄帝云,予在民上,摇摇恐夕不至朝。故金人三缄其口,慎言语也。尧居民上,振振如临深渊;舜居民上,兢兢如履薄冰;禹居民上,栗栗如恐不满;汤居民上,翼翼惧不敢息。”

4. 道自微而生,祸自微而成。慎终与始,完如金城。

5. 行必虑正,无怀侥幸(书履);忍之须臾,乃全汝躯(书锋);刀利皜皜,无为汝开(书刀);源泉滑滑,连旱则绝,取事有常,赋敛有节(书井)。

三 太公六韬六卷

1. 文王曰:“君务举贤,不获其功,何也?”太公曰:“举而不用,是有求贤之名,而无用贤之实也。”文王曰:“举贤若何?”太公曰:“按贤察名,选才考能,名实俱得之也。”

2. 文王曰:“国君失民者,何也?”太公曰:“不慎所与也。君有六守三宝:六守者,仁、义、忠、信、勇、谋;三宝者,农、工、商。六守长则君安,三宝完则国昌。”

3. 国柄借人则失其威。渊乎无端,孰知其源?涓涓不塞,将成江河;两叶不去,将用斧柯;荧荧不救,炎炎奈何!

4. 天下非一人天下,天下之天下也!取天下者若逐野鹿,而天下共分其肉。

5. 太公云:“伏羲、神农,教而不诛;黄帝、尧舜,诛而不怒。”

6. 圣人恭天、静地、和人、敬鬼。

7. 文王在岐,召太公曰:“吾地小,奈何?”太公曰:“天下有粟,

贤者食之；天下有民，贤者牧之。屈一人下，伸万人上，唯圣人能行之。”

8. 冠虽敝，加于首；履虽新，履于地。

9. 武王问太公曰：“士高下有差乎？”太公曰：“人有九差。恶口舌，为众所憎，夜卧早起，此妻子之将；知人饥渴，习人剧易，此万人之将；战战栗栗，日慎一日，此十万之将；知天文，悉地理，理四海如妻子，此天下之将。”

10. 军中之事不闻君命。

11. 武王问太公曰：“吾欲令三军亲其将如父母。攻城则争先登，野战则争先赴，闻金声而怒，闻鼓音而喜，可乎？”太公曰：“作将冬日不服裘，夏日不操扇，天雨不张盖幔；出隘塞、过泥涂，将先下步；军未举火，将不食。士非好死而乐伤，其将知饥寒劳苦也。”

12. 用兵之害，犹豫最大。起之若惊，用之若狂；当之者破，近之者亡；使如疾雷不暇掩耳也！

13. 贫穷忿怒，欲决其志者，名曰必死之士；辩言巧辞，善毁善誉者，名曰间谍飞言之士。

四 曾子二卷

1. 君子爱日以学，及时而成。难者不避，易者不从。旦就业，夕自省，可谓守业。年三十、四十无艺，则无艺矣！至五十不以善闻，则无闻矣！

2. 鄙夫、鄙妇，相会于墙之阴，可谓密矣！明日或有知之。故士孰仁与义，莫不闻也。

3. 蓬生麻中，不扶自直；白沙在涅，与之皆黑。君子之游，苾乎如入兰芷之室，久而不闻，则与之化矣。小人之游，戏乎如入鲍鱼之室，久而不闻，则亦化矣。故君子慎其去就也。与君子游，如日之长，加益不自知也。与小人游，如履薄冰，几何而不行陷乎？

4. 天圆地方，则是四角不掩也。闻之夫子曰：“天道曰圆，地道曰方。”

五 晏子八卷

1. 景公作台，台成复欲作钟。晏子谏曰：“敛民作钟，民必哀；敛哀以谋乐，不祥。”

2. 景公嬖妾死，名曰婴子，公守之，三日不食，肤著于席而不去。晏子曰：“外有良医，将作鬼神之事。”公信之。屏而沐浴。晏子令棺人入敛死者，公大怒。晏子曰：“已死不复生。”公乃止。仲尼闻之曰：“星之昭昭，不如日月之皦皦。”

3. 景公时，雨雪三日，被狐白之裘坐于堂侧，谓晏子曰：“三日雨雪，天下何不寒？”晏子曰：“夫贤君饱则知人饥，温则知人寒。”公乃去裘。

4. 冠足以修敬，不务其饰；衣足以掩形，不务其美。土事不文，木事不镂，足以示民也。

5. 景公曰：“吾欲霸诸侯，若何？”晏子曰：“官未具也。臣闻仲尼处陋巷，廉隅不正，则原宪侍；志意不通，则仲由侍；德不辱，则颜回侍。今君未有能侍，故未具也。”

6. 君择臣使之，臣虽贱，亦择君事之。

7. 一心可以事百君，百心不可以事一君。

8. 晏子治阿三年，毁闻于国。景公召而问之，对曰：“婴筑蹊径，急门闾之政，淫民恶之；举俭罚偷，堕民恶之；决狱不畏强贵，强贵恶之；左右取求，非法不予，左右恶之；事贵人不能过礼，贵人恶之；是三邪毁于外，二谗去于内。臣请改辙更治，三年必有誉也。”

9. 景公病水，数十日，梦与二日斗而不胜，使占梦者占之。占者至门，晏子使对曰：“公病，阴也；与二日斗，日，阳也；不胜，疾将退也。”三日而愈，公赏占梦者。占梦者辞曰：“晏子之力也。”公问

晏子，晏子曰：“臣若自对，则不信也。”

10. 景公病疽在背，欲见不得。问国子，国子曰：“热如火，色如日，大如未熟李也。”公问晏子，晏子曰：“色如苍玉，大如璧。”公曰：“不见君子，不知野人之拙也。”

11. 晏子使楚，楚王令左右缚一人作盗者过。王问：“何处人也？”对曰：“齐人也。”王视晏子：“齐国善盗乎？”晏子曰：“橘生江南，江北则作枳，地土使然也。今民生长于齐不盗，入楚则盗，臣不知也。”楚王自取弊耳！

12. 晏子使楚，楚王以晏子短，作小门于大门之侧。晏子曰：“往诣狗国，从狗门入，今来使人楚，不可从狗门入也！”遂大门入。

13. 楚王问：“齐之临淄都无人耶？”对曰：“临淄三百闾，张袂成帷，挥汗成雨，比肩继踵，何容无人也？”

14. 曾子将行，晏子送之，曰：“赠人以财，不若以言。”

15. 和氏之璧，井里璞耳，良工修之，则成国宝。习俗移性可不慎乎！

16. 晏子歿后十有七年，景公射，诸大夫皆称善。公曰：“自晏子歿后，不复闻不善之事。”弦章对曰：“君好之则臣服之，君嗜之则臣食之。尺蠖食黄则黄，食苍则苍是也。”公曰：“善，吾不食谄人之言也。”以鱼五十车赐弦章，固不受。是弦章有晏子之遗行也。

六 子思子七卷

1. 慈父能食子，不能使知味；圣人能悦人，不能使人必悦。

2. 国有道，以义率身；无道，以身率义。荀息是也。

3. 言而信，信在言前；令而化，化在令外。圣人在上，而迁其化。

4. 终年为车，无一尺之軫，则不可驰。

5. 百心不可得一人，一心可得百人。

6. 君,本也;臣,枝叶也。本美则叶茂,本枯则叶凋。
7. 君子不以所能者病人,不以人之不能者愧人。
8. 小人溺于水,君子溺于口也。
9. 繁于乐者重于忧,厚于义者薄于行。见长不能屈其色,见贵不能尽其辞,虽有风雨,吾不入其门也。
10. 君子以心导耳目,小人以耳目导心。

七 孟子十四卷

1. 蜀郡赵台卿作章句,章句曰指事。
2. 孟子谓惠王曰:“虐政杀人,何异刃耶?庖有肥肉,厩有肥马,民有饥色,野有饿莩,此谓率兽食人,且人恶之,况虐政乎!”
3. 敬老爱幼,推心于民,天下运掌中也!故推恩足以保四海,不推恩不足以保妻子。
4. 孟子云:“齐人讥管晏。”
5. 虽有智慧,不如乘势;虽有镃基,不如待时。饥者易为食,渴者易为饮;若久涂炭,则易政,如渴不择饮也。
6. 宋人有闵其苗不长,揠拔之,使其长。其子趋而视之,苗则槁矣。非但无益,乃有害也。
7. 见孺子入井,非孺子之父母,亦有恻隐之心。无恻隐之心,非人也;无羞恶之心,亦非人也;无辞让之心,亦非人也;非是非之心,亦非人也。
8. 孟子云:“子路,人告之有过则喜;禹闻善言则拜。”
9. 用夏变夷,不闻用夷变夏。
10. 枉己者,未能直人,当以直矫枉。若自曲,何以正人?
11. 景春曰:“公孙衍、张仪,岂不诚大丈夫!一怒而诸侯惧,安居而天下息。”孟子曰:“是焉得为大丈夫乎?富贵不能淫,贫贱不能移,威武不能屈,此之谓大丈夫。”

12. 天子不仁，不保四海。诸侯不仁，不保社稷；士不仁，不保四体。今恶死亡而乐不仁，犹恶醉而强酒。

13. 民之归仁，犹水就下。

14. 存乎人，莫良于眸子，眸子不能掩其恶。胸中正，则眸子瞭焉；胸中不正，则眸子眊焉。

15. 淳于髡曰：“男女不亲授受。若嫂溺，援之手乎？”孟子曰：“若不援，是豺狼也。天下溺则援之以道，嫂溺必援以手。”

16. 子产以其乘舆济人于溱洧。孟子闻之曰：“不知政也！不如以时修桥梁。”

17. 齐人有一妻一妾，其良人出行则饕饱而反，欺其妻云：“与富贵人共饮食耳！”夫出，妻后伺之，见乞人祭余食之。妻乃告妾，相与泣于中庭。其夫自外来，未知，犹骄其妻妾。由君子枉道，得富贵而骄人也。

18. 非其道，伊尹不以一芥与人，亦不取一芥于人。

19. 在野曰草莽之臣，在国曰市井之臣。

20. 性犹湍水，决东则东，决西则西。

21. 白羽白，性轻；白雪白，性消；白玉白，性贞。虽俱白，其性不同也。

22. 冬日饮汤，夏日饮水。（欲问寒暑者，中心也。）

23. 仁义忠信，乐善不倦，天爵也。公卿大夫，人爵也。古之人，修天爵而人爵从之；今之人，修天爵以要人爵；得人爵弃天爵，终亦亡矣！

24. 孟子曰：“仁之胜不仁也，犹水胜火。今之为仁者，犹一杯水救一车薪之火也，不熄，则谓水不胜火。此又与于不仁之甚者也。亦终必亡而已矣！”

25. 君子有三乐：父母具存，一乐；仰不愧天，俯不作人，二乐；得天下英才而教育，三乐。

26. 鸡鸣而起，孜孜为善者，舜之徒也。鸡鸣而起，孜孜为利

者，跖之徒也。

27. 九仞无泉，犹弃井也。

28. 古人之关御暴，今人之关为暴。（今之关出入征税。）

29. 恶似而非者：恶莠乱苗，恶佞乱义，恶利口乱信，恶郑声乱雅乐，恶紫乱朱，恶乡原乱德。

30. 尧至汤，汤至文王，文王至孔子，孔子至孟子，各五百余岁。

八 管子十八卷

1. 仓库实，知礼节；国多财，远者来，衣食足，知荣辱。

2. 野无积草，府不积货，市不成肆，朝不合众，治之至也。

3. 观其交游，则贤不肖可察。

4. 一年之计，莫若树谷；十年之计，莫若树木；终身之计，莫若树人。

5. 爵禄满则忠衰，室富足则行衰，釜鼓满则人概之，人满则天概之。故先王不满也。

6. 凡赦者，小利而大害，故久而不胜其祸；无赦，小害而大利，久而不胜其福。惠者多赦，先易后难；法者无赦，先难后易。惠者，民之仇讎；法者，民之父母。

7. 堂上远于百里，有事十日而君不知；堂下远于千里，有事一月不知；门庭远于万里，有事期年不闻。

8. 桓公谓管仲曰：“寡人有大邪三：不幸好畋，晦夜从禽不反，一；不幸好酒，日夜相继，二；寡人有污行，不幸好色，姑姊妹有未嫁者，三。”管仲曰：“恶则恶矣，非其急也。人君惟不爱与不敏不可耳！不爱则亡众，不敏则不及事。”

9. 地大而不耕，非其地；卿贵而不仁，非其卿；民众而不亲，非其民。

10. 无翼而飞者，声也；无根而固者，情也。公但谨声耳！

11. 齐水躁而复，故民贪而勇；楚水溺而清，其民轻果好贼；越水浊而重，其民疾妒；秦水汔而滞，其民贪戾；晋水滞而杂，其民好诈；宋水劲而清，其民简易。

12. 先王治国，威不两措，政不二门。有法度之制者，不可巧以诈伪；有权衡之称者，不可欺以轻重；有寻尺之数者，不可差以短长也。

13. 桓公问厩吏：“何事最难？”吏未答。管仲曰：“臣尝作圉人，惟傅马棧最难。先傅曲木，则直无所施；先傅直木，则曲无所施。”

14. 楚王好小腰，美人省食；吴王好剑，国士轻死。故主好宫室，则工匠巧；主好文彩，则女工靡。

15. 冬日不，非爱水也；夏日不炆，非爱火也；为不适于身。明王不治宫室，非爱小也，为伤于本事而妨于教也。

16. 利之所在，虽千仞之山，无所不上；深泉之下，无所不入。商人通贾，倍道兼行，夜以继日，千里不远，利在前也。渔人入海，海水百仞，冲波逆流，日夜不出，利在水也。

17. 蛟龙得水而神立，人主得民而威成。海不辞水，故能成大；山不辞土，故能成高；主不厌人，故能成众；士不厌学，故能成圣。

18. 乌合之众，初虽有欢，后必相吐。虽善不亲也。

19. 杀生之柄不制于主，而在群下，此寄生之主也。

20. 五谷，民之司命；黄金刀币，民之通施。

21. 农有常业，女有常事。一农不耕，民有饥者；一女不织，民有寒者。

22. 桓公谓管仲曰：“吾欲伐楚，楚强不可下，如何？”曰：“公但铸钱于庄山，往楚贵市生鹿，楚王闻之喜，必废农而猎鹿。公藏粟五倍，楚足钱而无粟；公闭关。楚降者十分有四。”

九 道德经二卷

1. 生而不有，为而不恃。（元炁‘生万物不有，道所施不求其报。）

2. 挫其锐，解其纷。（锐，进也。人欲锐精，进取功名，当挫止之，法道不自见也。纷，结恨也，当念道无上。解，释也。）和其光，（虽有独见之明，当如暗昧不曜乱人也。）同其尘。（当与众同垢尘，不自别殊。）

3. 多言数穷（口开舌举，必有祸患。），不如守中。（不如守德于中，育养精神，爱气希言也。）

4. 圣人后其身而身先，（先人后己，天下之先，以官长也。）外其身而身存。（薄己而后人，人爱之如父母，神明佑之如赤子，故身外而长存也。）

5. 金玉满堂，莫之能守。（嗜欲伤神，财多累身。）富贵而骄，自遗其咎。（夫富当赈贫，贵当怜贱，反骄恣，必被祸患也。）

6. 绝仁弃义，民复孝慈。（德化淳也。）绝巧弃利，盗贼无有。（上化公正，下无私邪。）

7. 曲则全，（曲己从众，不自专，则全也。）枉则直，（枉曲己而伸人，久久自得直）少则得，（天道佑谦，自受少则得多。）多则惑。（财多者惑于守身，学多者惑于所闻。）

8. 善行无辙迹，（善行道者，求之身，不下堂，不出门，故无辙迹。）善言者无瑕谪。（择言而出之，故无瑕谪。）

9. 知足者富，（知足则长保禄位，故富也。）死而不亡者寿。（目不妄视，耳不妄听，口不妄言，则无怨于天下，故能长寿也。）

10. 将欲嚮之，必固张之；（先开张之，欲令极其奢淫。）将欲弱之，必固强之；（先强大之，欲使遇害。）将欲废之，必固兴之；（先兴之，使骄危。）将欲夺之，必固与之。（先与之者，欲极其贪心也。）是

谓微明。(此四事其道微,其效明也。)

11. 失道而后德,(道衰德生。)失德而后仁,(德衰而仁爱见。)失义而后礼。(义衰即施礼聘,行玉帛也。)夫礼者忠信之薄,(礼废本治末,忠信日以消薄。)而乱之首。(礼贱质贵文,故正直日以消,邪乱日以生。)

12. 贵必以贱为本,(言欲尊贵,当以贱薄为本。禹稷躬耕,舜陶河滨,周公下白屋是也。)高必以下为基。(言欲高立,先以下为基。如筑墙造功,因卑成高,下不坚固,高必倾危也。)

13. 上士闻道,勤而行之;中士闻道,若存若亡;下士闻道,大笑之。不笑不足以为道。(不为下士笑,不足名曰道。)明道若昧,(明道之人,若暗昧无所见也。)进道若退,(进取道者,若退不及。)夷道若类。(夷、平也。大道之人,不自别殊,若多比类。)上德若谷,(若深谷,不耻垢辱也。)广德若不足。(德行广大之人,若愚顽不足也。)大方无隅,(大方正之人,无委曲廉隅也。)大器晚成,(成器之人,如瑚琏不可卒成。)大音希声,(如雷电待时而动,喻常爱气希言也。)大象无形。(大法象道之人,质朴无形容也。)

14. 物或损之而益,(取之不得,推让必远。)益之而损。(曾高者崩,贪禄致患也。)

15. 名与身孰亲?(名遂则身退也。)身与货孰多?(财多则害身也。)得与亡孰病?(好得货利,则病于行。)甚爱必大费,(甚爱色,费精神;甚爱财,遇患害;所爱者少,所费者多,故言必大费。)多藏必厚亡。(生多藏于府库,死多藏于丘墓;生有攻劫之忧,死有掘冢探柩之患。)

16. 大成若缺,(缺者灭名藏誉,如不备。)大巧若拙,(不见其然。)大辩若讷。(知无疑,口无辩。)

17. 不出户以知天下,(以己身知人身,以己家知人家。)不窥牖以见天道。(天道与人道同。)其出弥远,其知弥少。(谓去其家,观人家;去其身,观人身。其视虽远,而所见至少也。)

18. 为学日益，(为政教礼乐之学，情欲文饰日以多。)为道日损。(谓自然之道，情欲文饰日以消。)损之又损之，以至于无为。无为而无不为。(情欲断绝，德与道合，则无所不施，无所不为。)

19. 善者，吾善之；不善者，吾亦善之。(不善则教道使就善。)信者，吾信之；不信者，吾亦信之。(亦以教道。)

20. 善摄生者，陆行不遇兕虎，(自然合远避。)入军不被甲兵。(不好战杀。)

21. 塞其兑，(兑，目也，不妄视。)闭其门，(门，口也，不妄言。)终身不勤。(终身不勤苦也。)开其兑，(视情欲。)济其事，(济益情欲之事。)终身不救。(祸乱成也。)

22. 大道甚夷，而民好径。(径，邪不平正也。)

23. 善建者不拔。(善以道建身、建国者，不可得引而拔之。)

24. 知者不言，(贵其行也)言者不知。(驷不及舌，多言多患也。)

25. 其政闷闷，(音门。政教宽大。闷闷，昧昧似不明。)其民淳淳；(淳淳，亲厚。)其政察察，(政急疾，言决于口，聪决于身。)其民缺缺。(民不聊生。缺缺，日以疏薄也。)直而不肆，(肆，申也。圣人虽直，曲己从人，不自申。)光而不耀。(虽有独见之明，如暗昧不炫耀。)

26. 深根固蒂，长生久视之道。(人以气作根，以精作蒂。如树根不深则拔，蒂不坚则落。言能深藏气，固守精，无所泄漏，乃长生久视之道。)

27. 以道莅天下者，其鬼不神。(鬼不敢干犯其精神。)非其鬼不神，其神不伤人。(圣人在位不伤害人，故鬼不干人。)夫两不相伤，故德交归焉。(人能治于阳，全其性命；鬼得治于阴，保其精神。故德交归也。)

28. 人之不善，何弃之有？(当以道伏之。盖三皇之前无弃民，德化厚也。)故立天子，置三公。(欲化不善人也。)